

Faahororaa no te *Faaineineraa* no te *putuputuraa Oraraa e taviniraa*

2-8 NO NOVEMA

TAO'A RAU BIBILIA | EXODO 39-40

A maimi i te mau poe pae varua

it-2-F 510 par. 4

Te iri tekesea

Nafea te reira i te noaaraa mai e te mau Ise-
raela? Mai te peu te *ta'chash* ta te Bibilia e faa-
hiti ra, o te hoê ia huru tekesea, e nehenehe ia
tatou e ui e nafea te reira i te noaaraa mai e te
mau Iseraela. E pinepine te mau tekesea i te ite-
hia na te mau vahi to'eto'e o te paraneta fenua,
i Arctique anei aore ra i Antarctique, mea au râ
na te tahi atu mau tekesea te mau vahi mea ma-
hanahana te miti. Ei hi'oraa, te ora noa ra te tahi
mau tekesea i te hoê pae o te miti Mediteranea
e na te tahi atu mau vahi mea mahanahana te
miti. I te roaraa o te mau senekele, ua faaiti roa
mai te taata i te numera o te mau tekesea, e
nehenehe atoa e mana'ohia e i te tau Bibilia, ua
aere paha teie mau animara na te miti Medite-
ranea e na te miti Uteute. I 1832, ua faahiti te
Dictionary of the Holy Bible a Calmet e: "Ua ite-
hia e rave rahi mau tekesea na te mau motu na'i-
na'i o te miti Uteute, ati a'e te Sinai."—A hi'o i
te *The Tabernacle's Typical Teaching*, a A. J. Pol-
lock, London, api 47.

w15-F 15/7 21 par. 6

Mea faufaa anei ia itehia ta outou mau ohipa?

I te otiraa te sekene i te patuhia, "tapo'ihia iho-
ra te tiahapa amuiraa e te hoê ata, i a'era te se-
kene i te hanahana no lehova ra." (Exo. 40:34)
Te haapapu ra te reira i ta lehova haamaitairaa!
I to oe mana'o, eaha to Bezaleela e to Aholiaba
huru i taua taime ra? Noa 'tu aita to raua i'oa i
nana'ohia i nia i te mau tao'a ta raua i hama-
ni, eita e ore ua oaoa roa raua i te iteraa e ua
haamaitai lehova i ta raua mau tutavaraa. (Mas.

10:22) I te roaraa o te mau matahiti i muri a'e,
mea papu ua i to raua aau i te oaoa i te iteraa
e ua faaohipa-tamau-hia te mau tao'a ta raua
i hamani no ta lehova haamoriraa. Ia faatiahia
mai raua i roto i te ao apî, e oaoa raua i te ite-
raa e ua faaohipahia te sekene no te haamori-
raa mau fatata 500 matahiti i te maoro!

9-15 NO NOVEMA

TAO'A RAU BIBILIA | LEVITIKO 1-3

"Eaha te fa o te mau tusia?"

it-2-F 847

Tusia

Te mau tusia taauahi. Ua pûpûhia te taatoaraa
o te mau tusia taauahi na te Atua ana'e, aita
hoê noa 'e tuhaa o te animara i tapeahia na te
taata tei pûpû atu. (A hi'o atoa i te Tav 11:30,
31, 39, 40.) Ua pûpûhia te reira no te ani ia le-
hova ia farii aore ra no te haapapu e ua farii iho
â oia i te tusia no te hara, tei pûpûhia 'tu i te
tahi mau taime e te mau tusia taauahi. Ei "tu-
sia taauahi," ua pûpû taatoa Iesu Mesia ia 'na
iho.

it-2-F 849

Tusia

Te mau tusia huero maa. E pûpûhia te mau tu-
sia huero maa i te hoê â taime e te mau tusia
no te maitai, te mau tusia taauahi, te mau tusia
no te hara, e te mau oho matamua. I te tahi atu
râ mau taime, e pûpûhia hoê ana'e tusia. (Ex 29:
40-42; Le 23:10-13, 15-18; Nu 15:8, 9, 22-24;
28:9, 10, 20, 26-28; pene 29) E pûpûhia teie
mau tusia no te haamauruuru i te Atua no ta 'na
haamaitairaa e rave rahi. Pinepine e tuu-atoa-
hia te hinu e te tapau libano. Ua rau te huru o te
mau tusia huero maa: te faraoa maitai, te hue-
ro tunu aore ra te mau faraoa menemene mai te

hoê hei te huru e tei tunuhia i roto i te umu aore ra i roto i te hoê pani te vai ra te hinu i roto. E tuuhia te tahi tuhaa o te mau tusia huero maa i nia i te fata o te mau tusia taauahi, e amuhia te tahi atu tuhaa o tera mau tusia e te mau tahu'a e e nehenehe te taata tei pûpû i te mau tusia no te maitai e amu i te reira. (Le 6:14-23; 7:11-13; Nu 18:8-11) Eiaha râ te mau tusia huero maa tei pûpûhia i nia i te fata e anoihia e te hopue aore ra te "meli" (o te pape paha o te maa suke aore ra o te tahi atu mau maa hotu), e nehenehe hoi te reira e faahopue.—Le 2:1-16.

it-2-F 847

Tusia

Te mau tusia no te maitai (aore ra te mau tusia no te hau). E faaite te mau tusia no te maitai ta lehova i farii, i te hau i vai na i rotopu i te taata e te Atua. E amu te taata haamori e to 'na utuafare i te reira (i roto ia i te aua o te sekene e ia au i te ta'ere, ua haamauhia te mau tia-hapa e ati noa 'e i te mau paruru e haaati ra i te aua. I roto i te hiero, ua patuhia te mau piha tamaaraa). E horoahia hoê tuhaa o te tusia na te tahu'a tei faatupu i te oroa, e te tahi atu tuhaa na te mau tahu'a tei ohipa atoa i taua taimera. O lehova, e fana'o ia oia i te au auahi no'ano'a o te toâhua tei tutuihia. E pûpû-atoahia te toto na te Atua no te mea e faahoho'a te reira i te ora e o lehova te tumu o te ora. No reira, mai te huru ra e ua tamaa amui te mau tahu'a, te taata haamori e te Atua ra o lehova. Ua faahoho'a te reira i te auhoaraa hau i vai na i rotopu ia ratou. Area te taata o te amu i te maa, mea viivii hoi oia i te taime a amu ai i te reira (ia au te mau ohipa viivii atoa ta te ture a Mose i faahiti), aore ra o te amu i te i'o o te hoê animara tei tupaihia mea maoro i teie nei (no te veavea e ua haamata i te pê), e haapohehia o 'na. Ua haaviivii ia tera taata i te maa no te mea mea viivii oia aore ra no to 'na amuraa i te maa viivii i mua ia lehova. Ua faatura ore roa tera taata i te mau mea mo'a.—Le 7:16-21; 19:5-8.

A maimi i te mau poe pae varua

it-1-F 1003

Me'i

Te tumu o tera ture. I raro a'e i te faufaa i faauhia ia Iseraela, ua pûpûhia te toto e te me'i na lehova ana'e. Te toto, o te ora ia e o lehova ana'e hoi o te horoa i te ora. No reira, na 'na te toto. (Le 17:11, 14) E hi'ohia te me'i mai te tuhaa maitai roa 'e o te animara. E horoahia te me'i o te animara no te faaite e na lehova te mau tuhaa maitai roa 'e. E Atua aau horoa noa o lehova. E faaite atoa te taata haamori i to 'na hinaaro e pûpû i te mea maitai roa 'e na te Atua. I te mea e ua faahoho'a te me'i i te mea maitai roa 'e na lehova, e au ra e ua tutuihia te reira i nia i te fata ei "maa" e ei "hau'a no'ano'a" na 'Na. (Le 3:11, 16) No reira, aita e tia i te hoê Iseraela ia rave na 'na i tei haamo'ahia na lehova, mai te me'i no te mea mea mo'a te reira no lehova. E haapohehia ia te taata e amu i te reira. Taa ê râ i te toto, ua faaohipahia te me'i no te tahi atu mau tumu mai te peu noa ua pohe natura noa te animara aore ra ua haapohehia e te tahi atu animara.—Le 7:23-25.

ORARAA KERISETIANO

"Te faufaaraa o 'na piti lepeta'"

nwtsty nota haapiiraa no nia i te Lu 21:4

Pauroa i ta 'na moni e ora 'i oia: Mai tei faaitehia i roto i te nota haapiiraa no nia i te Lu 21:2, ua tuu te vahine ivi e "piti lepeta" i roto i te afata moni, 1 ia tuhaa i nia i te 64 o te moni ohipa no te hoê mahana. Te lepetona, o te moni haihai roa 'e faaohipahia i Iseraela i taua tau ra. Ia au i te Mt 10:29, no te hoê moni asariona (e va'u lepetia ia), ua nehenehe te hoê taata e hoo mai e piti manu rii, o te mau manu māmā roa 'e ia. Ua noaa i teie vahine ivi te afaraa noa o te tino moni titauhia no te hoo mai i te hoê noa manu rii. Ua navai noa tera moni no te hoo mai i te hoê maa haihai.

16-22 NO NOVEMA

TAO'A RAU BIBILIA | LEVITIKO 4-5

"A horoa i te mea maitai roa 'e na lehova"

it-2-F 848-849

Tusia

Te mau tusia taraehara. Ua pûpûhia te mau tusia taraehara no te faaite i te hara i ravehia. E faahapa te taata ia 'na iho no te hoê hara ta 'na i rave. Ua pûpûhia taua mau tusia ra no te mau hara taa maitai tei ravehia e o te faahapa 'tu i te taata o tei rave i te reira. Mea taa ê rii râ te reira i te tahi atu mau tusia no te hara. Oia hoi, e au ra e, te fa o te mau tusia taraehara, o te haamauraa ia aore ra te faaho'iraa i te hoê tiaraa i erehia. Ua ofatihia ia te hoê tiaraa o lehova aore ra o te nunaa Iseraela. Ua pûpûhia te tusia taraehara no te faaho'i ia lehova te tiaraa tei tia ia 'na. Aore ra no te faaho'i i te tahi mau tiaraa i te taata tei tatarahapa, tei haamauhia i raro a'e i te hoê faufaa, e no te faatiamâ ia 'na i te mau faahopearaa o ta 'na hara.—A hi'o atoa i te Isa 53:10.

A maimi i te mau poe pae varua

it-2-F 861

Mo'araa

Te mau animara e te mau maa. E pûpûhia na lehova te fanau'a matamua o te mau puaatoro, o te mau mamoe e o te mau puaaniho atoa, mea mo'a ia te reira e aita ia e tia ia hoohia 'tu i muri iho. E pûpûhia teie mau animara ei tusia e e horoahia te hoê tuhaa na te mau tahu'a tei haamo'ahia. (Nu 18:17-19) Mea mo'a te mau oho matamua e te tuhaa ahuru, mai te mau tusia e te mau ô atoa tei haamo'ahia no te taviniraa i te vahi mo'a. (Ex 28:38) I te mea e mea mo'a te mau mea atoa tei horoahia na lehova, e titauhia ia ia haafaufaa i te reira, eiaha râ ia faaohipa ma te tano ore. Ei hi'oraa, a feruri na i te ture no nia i te tuhaa ahuru. Peneia'e ua tuu te hoê taata i te tahi maa sitona i te hiti no te pûpû

atu ei tuhaa ahuru. Tera râ, ma te opua ore, e faaohipa o 'na aore ra te tahi mero o to 'na utuafare i te reira no te tunu i te maa, e ofati ia o 'na i te ture a te Atua no nia i te faaohiparaa i te mau mea mo'a. E titau te ture ia horoa tera taata hoê â faito sitona i tei moe, e ia horoa atu â e 20 i nia i te hanere o tera faito sitona e te tusia o te hoê mamoe oni. Ua haapii atu ia te reira i te nunaa ia faatura rahi i te mau mea mo'a tei pûpûhia na lehova.—Le 5:14-16.

23-29 NO NOVEMA

TAO'A RAU BIBILIA | LEVITIKO 6-7

A maimi i te mau poe pae varua

it-1-F 889

Auahi

To 'na faaohiparaa i roto i te sekene e i te hiero. Ua faaohipahia te auahi i roto i te haamoriaraa a lehova i te sekene e i muri a'e, i te hiero. I te mau poipoi e te mau ahiahi atoa, ua titauhia i te tahu'a rahi ia tutui i te mea no'ano'a i nia iho i te fata o te mea no'ano'a. (Ex 30:7, 8) Ua titauhia e te Ture a te Atua ia ama noa te auahi tei nia i te fata o te mau tusia taauahi. (Le 6:12, 13) Ia au i te ta'ere ati luda tei farii-rahi-hia, na te Atua i tuama na mua roa i te auahi ma te faaohipa i te hoê semeio. Aita râ teie haapiiraa e tuati ra i ta te Bibilia e haapii ra. Ia au i te mau faaueraa matamua ta lehova i horoa ia Mose, ua titauhia i te mau tamaiti a Aaron ia "tuu i te auahi i nia i te fata, a fata mai te ai i te vahie i nia iho i te auahi" hou a tuu ai i te tusia i nia i te fata. (Le 1:7, 8) **I muri a'e noa** i te haamauraa o te autahu'araa e i muri a'e ia i te pûpûraa i te mau tusia, ua haapuroro lehova i te hoê auahi no ô mai i te ata ra, tei nia noa 'tu i te sekene. Ua tutui roa 'tu tera auahi i te tusia i nia i te fata. No reira, aita te auahi no ô mai ia lehova i faaama i te vahie i nia i te fata, ua tutui râ lehova i te tusia e ua "pau roa a'era te tusia taauahi e te toâhua i nia iho i te fata."

Papu maitai, te auahi tei ama noa i muri a'e i nia i te fata, no ò mai 'ia i te auahi ta te Atua i haapuroro atu e i te auahi atoa tei tuama-a'ena-hia i nia i te fata. (Le 8:14–9:24) Hoê â huru i tei tupu i te tau o Solomona, ua tutui lehova i te mau tusia i muri noa mai i te pure ta te arii i faaoti, i te avariraa o te hiero.—Pa2 7:1; a hi'o atoa i te Tav 6:21; Ar1 18:21-39; Pa1 21:26 no te ite i te tahi atu mau taime a faaohipa 'i lehova i te auahi no te faaite i to 'na farii maitai i te mau tusia pûpûhia e ta 'na mau tavini.

30 NO NOVEMA–6 NO TITEMA

TAO'A RAU BIBILIA | LEVITIKO 8-9

“Te haapapuraa o te haamaitairaa a lehova”

it-1-F 1189

Haamauraa i te autahu'araa

Ma te faaohipa i te farii veo i roto i te aua, ua horoi Mose ia Aarona e i te mau tamaiti a Aarona o Nadaba, Abihu, Eleazara e o Itamara (aore ra ua faaue atu Mose ia haere ratou e horoi ia ratou). I muri iho, ua faaahu Mose ia Aarona e te mau ahu nehenehe mau o te tahu'a rahi. (Nu 3:2, 3) Ua tuu-atoa-hia te mau tao'a i nia ia Aarona tei faahoho'a i te mau huru maitatai e te mau hopoia hinaarohia no te rave i ta 'na taviniraa. I muri iho, ua haamo'a Mose i te sekene, i te mau tao'a atoa i roto, te fata no te mau tusia taauahi, te aua e te mau tao'a tei faaohipahia no te taviniraa a te mau tahu'a. Ua haamo'a-hia te reira, aore ra ua tuuhia i te hiti no te hoê ohipa taa ê, oia hoi, i roto noa i te haamoriraa a te Atua. I te pae hopea, ua faatavai Mose ia Aarona ma te ninii atu i te hinu i nia i to 'na upoo.—Le 8:6-12; Ex 30:22-33; Sl 133:2.

it-1-F 1190

Haamauraa i te autahu'araa

Ua faatoroahia e ua horoahia te mau tahu'a i ta ratou i hinaaro no te amo i ta ratou hopoia. I te

va'uraa o te mahana, no te taime matamua, ua rave ratou i ta ratou taviniraa (aita Mose i tau-turu ia ratou), oia hoi, ua pûpû ratou i te mau tusia taraehara no te nunaa Iseraela. Ua titauhia ia tamâ i te mau Iseraela, eiaha noa no to ratou huru tia ore, no to ratou atoa râ faaroo ore a hamani ai ratou i te kafa auro. Ua faariri ratou ia lehova. (Le 9:1-7; Ex 32:1-10) Ia oti ana'e te ohipa matamua ta teie mau tahu'a apî i rave, ua haapapu lehova i to 'na farii maitai i te autahu'araa ma te haapuroro i te hoê auahi mai te pou ata, tei nia i te sekene. Ua tutui roa 'tu te auahi i te toea o te tusia tei nia i te fata. —Le 9:23, 24.

A maimi i te mau poe pae varua

it-2-F 310

Mose

Ua faaohipa te Atua ia Mose ei arai o te faufaa i faaauhia ia Iseraela. Mea piri roa Mose i te Atua inaha ua horoahia tera fana'oraa taa ê ia 'na ana'e ei taata, e ia Iesu Mesia atoa, ei Arai o te faufaa apî. Ma te faaohipa i te toto o te mau animara tei pûpûhia ei tusia, ua pîpî atu Mose i te buka o te faufaa, tei faahoho'a ia lehova, ei “tuhaa” o teie faufaa. Te tahi atu “tuhaa” o teie faufaa, o te nunaa 'ia. No reira Mose i pîpî atoa 'i i te nunaa (te mau matahiapo paha o tei tia no te nunaa). Ua taio Mose i te buka o te faufaa i te nunaa e ua pahono atu ratou: “Te mau parau atoa a lehova i parau maira, na matou 'ia e rave, e e faaroo.” (Ex 24:3-8; Heb 9:19) Ei arai, ua oaoa Mose i te aratai i te paturaa o te seken e i te hamaniraa o te mau tao'a faaohipahia i te sekene, ia au i te mau faaueraa ta lehova i horoa ia 'na. E fana'oraa taa ê atoa to 'na ia haamau i te autahu'araa, ia haamo'a i te seken e ia faatavai ia Aarona maoti te hoê hinu taa ê. I muri a'e, ua aratai oia i te mau ohipa matamua ta te mau tahu'a, tei faatoroa-noa-hia, i rave.—Ex pene 25-29; Le pene 8, 9.